

八瓊室金石補正

第四十冊

八瓊室金石補正卷八十三

太倉陸增祥撰

男 繼輝校錄

吳興劉承幹覆校

宋二

温室洗浴眾僧經記

高一尺五寸六分廣三尺二寸五分四十七
行行字大小均不等行書在洛陽存古閣

佛說温室洗浴眾僧經一卷

後漢安息三藏安□□□

下此行小字徑四分在標題下

建造温浴刊寫真文□福無□

下

著他方願滿四宏位絕三界然

下

此二行在經文未句

下亦
小字

時大宋建隆二年歲次辛酉二月十一日乙亥洛京

右街應聖□

下缺

龍興寺鑄銅像記

乾德元年五月八日在正定府萃編載卷一百二十三

大駕親征

缺大

時湏

缺湏

万人計

缺計

基址

址誤北

文首敘開寶二年太祖親征河東而碑末乃作乾德

元年諦審其字蹟實與序文無二惠演雖鄙俚無文

亦何至舛錯至是殊不可解案葛蘩撰龍興大悲閣

記稱景祐中寺僧惠演錄其興建之蹟甚詳云云據

此則惠演是仁宗時僧碑之年月無稽因刻於葛記

碑陰即附於葛記之後碑爲王氏金石萃編所收而
乾德之誤竟未舉及其他則王氏言之頗詳茲不復
贅記稱差三道殿頭一道入龍興寺一道入開元寺
一道入永泰寺攷宋內官傳有殿頭有祇應殿頭當
即此開元寺即今府治南之開元寺正定府志永泰
寺在城北金大定中建今此記有永泰寺則方志云
金建者誤矣又記有軍器庫使劉審瓊等諸人皆無
表見通判軍府事范德明當是鎮州官教練使之名
宋史職官志兵志皆不載通攷云開寶中嘗置軍教
練使在指揮使上後廢都副鈐轄通攷云宋初以朝

官及諸司使以上充或一州或一路或兩路三路亦無有都字者又合璧事類後集引續會要載兩朝國史云官高資深充都鈐轄官卑資深稱鈐轄軍器庫使職官志軍器監國初戎器之職領於三司胄曹案官無專職熙甯六年廢胄曹案置監以從官總判又衛尉寺所隸官司有軍器弓槍庫軍器弩劍箭庫通攷宋武庫武器並歸內庫及軍器庫以他官及內侍典領軍器凡四庫勾當官並二人衣甲弓槍弩箭三庫悉以諸司使副及內侍充什物庫以三班使臣充掌禁兵器鎧甲供軍什器儲禱之物辯其出納又職

官志少府監有諸州鑄錢監監官各一人又將作監有東西八作司掌京城內外繕脩之事八作司之置十將史所未詳雄勝指揮員寮宋史兵志侍衛司步軍有雄勝開寶中以剩員立太平興國中選入上鐵林餘如故又有雄勝剩員指揮三峽冀濟各一案剩員之名起於太祖建隆元年詔殿前侍衛二司各閱所掌兵練其驍勇升爲上軍老弱怯懦置剩員以處之給官符宮觀園苑寺廟之役鑄象蓋閣興工於開寶四年正剩員置雄勝之後員寮之名兵志殿前司有新安內員寮直侍衛司騎軍有員寮剩員直步軍

有川員寮直然則碑載雄勝指揮員寮當即兵志雄
勝剩員指揮無疑矣碑文鄙俗無足取特因其敘鑄
象之制頗詳故錄之以補龍興寺之掌故焉

常山貞石志

梯航作抗抗即杭字特變木从手耳毛詩一葦杭
之楚詞惜誦魂中道而無杭史記司馬相如傳蓋
周躍魚隕杭杭絕浮渚太元劇蔽於天杭皆即航
之通借萃編以爲別字殆非碑兩用般取知今俗
搬移字可用般爲之沈匏廬輯常山貞石志以碑
刻於紹聖四年大悲閣記之陰紀年舛錯即附於
閣記碑後萃編不載閣記余亦未得拓本仍依原

次閣記立於紹聖四年此碑末題乾德元年不應
反在碑後竊意此碑先未上石迨紹聖年刊刻大
悲閣記因取惠演舊文附鐫於碑後原文未必有
碑尾年月殆補刻者所增遂致錯誤而未深究歟
夢英十八體篆并贈詩及書

高四尺一寸廣二尺五寸四截每截行字大小均
不一詩句篆書題釋分書餘並正書在西安碑林

南岳宣義大師夢英十八體書丁卯年於長安集

此二行在

弟一截贈
詩之前後

沙門惠休詩 在文選中 西北秋風至楚客心悠哉日

暮碧雲 合佳 人殊未來露彩方泛艷月華始徘徊 寶書

為君掩瑤瑟詎肯開相思巫山渚悵望雲陽臺膏鑪絕
沉燎綺席生浮埃桂水日千里因之平生懷
此行在下
三截之右

沙門惠休詩

古爽者黃帝史蒼頡之所作頡有四目

通於神明仰觀奎星圓曲之勢俯察龜亥鳥跡之象采

眾美合而為字故曰古文孝經援神契云奎主文章蒼

頡倣象是也自秦用小篆焚燒先典古文絕矣武帝昔

魯恭王壞孔子宅壁得古文尚書自後隨世變易已成

數體矣

西北秋風至

大篆者周宣王太史史籀之所作始變

古文或同或異謂之爲篆篆者傳也傳其物理施之無窮甄鄴定六書二曰篆書八體書法一曰大篆又漢書藝文志史籀十五篇竝此也以史官製之用以教授謂之史書凡九千字漢元帝王遵嚴延平竝工史書是也

楚客心悠哉

籀文者亦史籀之所作與古文大篆小

異後人以名稱書謂之籀文七略曰史籀者周嘗史官教學童書也與孔氏壁中古文體異其跡有石鼓文存焉蓋諷周宣王畋獵之所作今在陳倉少人攻學

日暮碧雲合

廻鸞篆者史佚之所作粵在文代赤雀

集庭降及武朝丹鳥流室今之此法顯寫二祥其草木
鳥獸山川虫魚飛走動隱而成其字自後平世湮謝聖
括淪徃唯史氏研精功爭造化矣

佳人殊未來

柳葉篆者衛瓘之所作衛氏三世攻書

善乎數體温故求新又爲此法其跡類薤葉而不真筆
勢明勁莫能傳學衛氏與索靖竝師張芝索靖得張之
肉衛瓘得張之筋故号一臺二妙

露彩方泛艷

巫雲篆者衛恒之所作軒轅之代慶雲

常現其體郁郁紛紛爲書紀職亥字之興取諸爲象書
品云衛恒書如搖萃美女舞笑鏡臺筆動若飛字張如

雲莫能傳學衛氏即巫雲之祖

月華始徘徊

雕虫篆者魯秋胡妻之所作秋胡隨牒

遠仕荏苒三季鳴埴有懷春屈多思桑肯閑翫集爲此
書亦云戰筆書其體適健巫畫纖長旋繞屈曲有若虫
形其爲狀則元鳥優游落花散漫矣

寶書爲君掩

小篆者秦相李斯之所作增損大篆異

同籀夾謂之小篆亦曰秦篆畫如鐵石字若飛動作楷
隸之祖爲不易之法其名題鐘鼎及作符印至今用焉
受命于天既壽永昌等即李斯之小篆也

瑤瑟詎肯開

填篆者周之媒氏以仲春之月判會男

女則以此書表信往來及魏明帝使京地韋仲將點定
芳林苑中樓觀王廙王隱皆云字閒滿密故云填篆亦
曰方填書至今圖書印記並用此書

相思巫山渚

飛白書者後漢蔡邕之所作漢靈帝嘉

平季詔蔡邕作聖皇篇篇成詣鴻都門進昔方修飾鴻
都門見役人以聖帚成字心有悅焉歸而爲飛白書漢
末魏初竝以題署宮闕其體有二創法於八分窮微於
小篆蕭子雲飛白論云王次仲飛而不白蔡伯喈白而
不飛

悵望雲陽臺

芝英篆者漢陳遵之所作陳氏每書一

聖皆驚昔人謂之陳驚聖魯六國各以異體之書潛爲符信則芝英興焉秦焚邱典其夾煨滅在漢中葉武帝臨朝爰有靈芝三本植於殿堦旣歌芝房之曲又述芝英之書焉陳氏卽芝英之祖

膏鑪絕沈燎

剪刀篆者韋誕之所作亦曰金錯書本

古之錢名周之泉府厥跡不存降茲以還其夾可觀若漢之銖兩新之刀布今具存焉其爲體狀若麗匣盤龍新臺舞鳳自後史游深造其極焉

綺席生浮埃

薤葉篆者僊人務光之所作務光辭湯

之禪去往清冷之陂植薤而食輕風時至見其精葉交

偃則而爲書以寫紫真經三卷見行於世其爲狀也若
搶風遠望寒雲片飛在絕人學矣

桂水日千里 龍爪篆者晉右將軍王羲之所作羲之

曾遊天台還至會稽值風月清照夕止桐亭臺詠之末
題桂作一飛字有龍爪之形焉因之遂稱龍爪書其勢
若龍威虎振拔劍張弩

因之平生懷 科斗篆者其流出於古爽尙書序費氏

注云書有二十法科斗書是其一也以其小尾伏頭似
蝦蟇子故謂之科斗魯恭王壞孔子宅以廣宮室得
科斗尙書及禮記論語凡數十篇皆科斗爽字

乾德五季於 璵珞篆者後漢劉德昇之所作也因夜
觀星宿而爲此法特乃存古之梗槩變隸之規蹤體類
科斗而不直勢同迴鸞而宏逸天假其法非學之功雖
諸家之法悉殊而此書最爲首出後漢儒生普皆攻學
長安書宣義 懸針篆者漢章帝郎中扶風曹喜之所
作也用題五經篇目纖抽其勢有若針之懸鋒也故曰
懸針河洛遺誥云懸針之書亦出曹喜小篆爲質巫露
爲紀題署五經印其三史以爲楷則傳芳干祀懸針即
曹君爲祖

大師夢英集

巫露篆者漢章帝郎中扶風曹喜之所

作以書章表奏事謂其點綴如輕露之巫條累巫欲落
之象故云巫露漢宣帝嘗重此書懸之帳內謂言瞿喜

之書如金盤瀉珠風篁雜雨八法元妙一字干金

以上下
三截

贈宣義大師歌 朝請大夫侍御史知雜事馬去非上

伏犧氏作文籍生古文一變方大篆小篆成李斯既往

誰得名有唐還有李陽水陽水歿後誰復生 大宋有

僧曰夢英吾師吾師能前此好古之人雙眼明

紀贈南岳宣義大師夢英篆書歌 前進士宋白上

衡山神秀瀟湘清精靈潛發竒人生金僊才子稱夢英
玉筋篆書天下名隸外攻翼又攻柳率更行體兼而有
別得張顛草聖才筆頭燦爛龍虵走八分飛白皆精練
長安粉壁狂題遍功□□讓狸骨帖聲價高於鐵門限
皇唐偏說懷素師善草不□□副之近代靜僧小歐跡
謹措齷齪無多竒驚師宿世曾勞□□紙骨筆血爲墨
受佛付囑寫微言今生所以書無敵我□□竒滿天下
多見名書與名畫雖向煙霄未稱心待取珊瑚爲筆架
從茲懶愛吳筠碑新歌重贈撲凸竒

贈英公大師 翰林學士尙書司封郎中知制誥賈黃

中

金

仙子便是師師高道甯容世網羈浩浩情田龍可擾

飄飄行止鶴應知塵換擺落趙三界古篆沉研冠一時

莫恠伊余苦珍重白蓮香社有心期

英公大師篆書詩二絕 太華希夷先生陳搏

南來別九華少年師号紫袈裟驚天動地懷何藝

古高十八家 又 上帝回成鳥跡蹤又於

玉筋別 如今朴散浮華筆琢重 吾師結古風

英上人 樞密直學士朝請大夫上柱國賜紫金魚

袋趙逢 幾年攻學楚江濱十八家書妙入神莫恠老

夫偏愛惜李陽冰後更無人 贈英公大師 太

常博士李頌

篆高神品秀爽天骨敏搆機先談深理窟潛極蒼源元
臻籀闢玉無疵瑕車有輓軌達識圓明靈襟洞豁粹稟
飛星宵掛流月大飲陶陶閑遊兀兀肯如常人名利乾
沒

送英公大師歸終南 太子中舍盧岳

擬息遊方興蘿龕近翠微幾程勞夜夢一錫向秋歸月
彩籠清磬嵐光潤紫衣重尋溪上路楓葉□巖扉

贈英公大師 著作佐郎許道甯上

業就携筇別五湖 御簾香暖幾曾趨
精搜象外吟情 逸元達禪中惠性殊
江塢秋思霜橘美雲房高寄海峯
孤白蓮共結他年約還放踈慵入社無

聞英上人十九簾前賜紫 閑廡副使何承矩

遠聞貢藝趨 丹闕 萬乘稱竒賞少年玉筯纔書金

殿裏 皇恩旋降翠簾前行齊支遁喧三楚學富陽水

振九天近見來僧頻有說賜衣猶帶 御爐煙

送英公大師歸終南 太常丞呂端

衡岳煙蘿紫閣雲名高湖外晚遊秦清詞古學儒生業
圓笠方袍釋子身竹杖歸山裏寺篆書留與世間人

我疑簪組成爲縛空仰
吾師去路塵

贈英公大師 圭峯賜紫 永牙上

吾宗何事獨稱雄
今昔名高繼古風
王右軍書傳智永
李陽冰篆付英公
墨研天電煤疑絕
硯琢端溪石欲空
珍重真蹤千載後
誰來三日看無窮
贈英公大師
文暢大師賜紫元寶上

□愛王家草聖蹤
獨於小篆苦留功
何人會得

師高意欲把時風
變古風 鄉貢進士袁允忠書歌

詩

以上弟
一截

前攝鎮國軍節度巡官安文燦刊僧勅信 安懷玉

白文贊 共建 小師元序 元秘 元穹 元

之勾當

此三行在弟
二截之左

紫塞雲高皇朝路遠每捧報瑤之翰如窺連壁之姿忠
 恕自落朝班累承詔命已得林泉之味堅辭名利之場
 鶴髮半生猿心久死與師金蘭敦義香火修回飛杯容
 許於醉狂結社不嫌於心乱共得陽冰筆法同傳史籀
 書跋常痛屋壁遺文汲塚舊簡年代浸遠謬誤滋多賴
 與吾師同心正古近覽真翰轉見工夫藏勢過峯方上
 圓下可以方古教人也晉宋而下通篆籀者寡唯碑碣
 印記時用數字傳授者未克研精何妨檢討盜聽者耻

於好問加之穿鑿齋中序云小篆散而八分生八分破而隸書出隸書悖而行書弊行書狂而草書聖自隸已下吾不欲觀之矣見寄偏旁五百四十一字按說文字原唯有五百四十部予字合收□子部今日錄妄有更改之又集解中誤收去部在注中今點檢偏旁少晶𠄎至龜弦五字故知林氏虛誕誤於後進者小說見冝焚之聊以親書達心俟以万劫發願何人知之英公知之不宣遷客郭忠恕書達英公大師座前 十二月二十

五日

此四行在碑左刊石人名之下

黃魯直云李龍眠得金銅戟于市漢物也泥金六字

字家不能讀蟲書妙絕于今諸家未見此一種乃知
唐元度僧夢英皆妄作耳然則今所傳十八體出英
公杜撰欺世非古實有之也音釋分隸頗有批法碑
首載贈詩正書亦勁健皆是英公手耶如此公亦非

孟浪者矣

石墨
鐫華

贈詩共十二人馬去非宋白賈黃中陳搏趙逢李頌
盧岳許道甯何承矩呂端僧永牙元寶咸平元年刻
者惟賈黃中呂端二詩相同此題端爲大常丞當是
太祖定國時所贈然則咸平刻云特進太子太保致
仕者爲追錄無疑也米芾書史曰夢英諸家篆皆非

古失實一時又從而贈詩使人愧笑

關中金石記

文選載此詩爲江淹擬休上人怨別之作而夢英竟以爲沙門惠休詩何也瑤瑟詎肯開文選作瑤琴詎能開與此不同至雲陽臺作陽雲臺汲古閣本則文選之誤也題釋分書書轅作轅書苻作蕪大謬贈詩之尾署袁允忠書歌詩石墨鐫華何以有皆是英公手之語郭忠恕書爲偏旁字源而作何以附列於此碑句語與偏旁碑小異

李宏等金泉觀詩

高四尺七寸廣四尺一寸十八行行字不一字徑二寸餘正書在南充

自今季春來遊金泉觀偶成七言四韻詩一首并

序其事

余自戊辰歲奉

命乘輶通判州事屬以干戈乍

息寢盜仍多烽煙時起於四郊獄訟常親於五聽公庭

少暇私

譙

無憊泊周星已來庶務稍簡方思命侶同共

盤遊因屈名山觀茲殊事實殿崢嶸而若畫眸容髣髴

以如生巖岫嵌空是謝女修真之所松篁蒼鬱有神仙

受籙之蹤芝散異香泉飄細韻宛若桃源之內深疑闥

苑之中歷覽幽竒頓消煩鄙因成短引偶賦一章遂命

濡毫鐫之于壁

宣德郎守秘書丞通判果州權知軍州事李宏

昔時謝女昇天處此日遺蹤尙宛然
蟬蛻舊衣留石室

龍飛靈水湧金泉碑書故事封蒼蘚
殿寫真容鑱翠煙
薄暮松巔聽鶴唳猶疑髣髴是神仙

時大宋開寶二年歲次己巳二月十五日記

依韻攀和 通判貞外題金泉觀之作

朝散大夫行左補闕西川諸州水陸計度轉運

副使柱國楊克讓

冲虛脫屣世綿綿勝地人來尙凜然
不見綵雲迎皓鶴

空留恠石漱清泉侵階蔓草迷香迳偃蓋寒松雜暮煙
靜化信從无妄得堪思漢武亦神仙

李宏詩見明統志石本缺龍字据以補注於旁太
平寰宇記南充縣謝真人祠唐書貞元十年謝真
人名自然於縣界金泉紫極宮白日上昇郡郭是
夕有虹霓雲氣之狀明統志順慶府金泉山在府
城西唐仙女謝自然於此白日飛昇上有石像宋
李宏詩云云此即是也詩云碑書故事封蒼蘚是
祠本有碑今不存矣楊克讓宋史有傳字慶孫同
州馮翊人乾德六年知果州上言願畢襄事特賜

緡錢許葬畢赴任開寶三年就命爲西川轉運副使蜀民懷其善政璽書褒美官至兩浙西南路轉運使兼市舶使此詩刻於開寶二年自署轉運副使則史三年當爲二年之誤不言左補闕者略之耳

石魚題刻一百段

在涪州

申狀題記

下截未全高四尺四寸廣三尺五寸五分十三行行存十八字至六字不等字徑一寸六分前署銜三行

行字不等並正書

上缺

檢校太子賓客兼監察御史武騎尉鄧

呂

黔南左都

押衙

銀青光祿

大夫檢校太子賓客兼監

察御史武騎尉□ □

知黔州事銀青光祿大夫檢校工部尚書上柱國謝

昌□

援左都押衙謝昌瑜等狀申大江中心石梁下古記及

水際有所鑄石魚兩枚古記云唐廣德缺春二月歲次

甲辰江水退石魚出見下去水四缺問古老咸云江水

退石魚見即年豐稔時刺史缺州團練使鄭令珪記自

唐廣德甲辰歲至缺開寶四年歲次辛未二月辛卯朔

十日丙缺餘年今又復見者覽此申報遂請通判缺徒

巡檢司徒軍州官吏等因命舟楫缺古記實不謬矣於

戲美哉盛事直逢

昭代斯乃呈祥有以表

吾皇之聖化遠

缺

記之兼尋具奏

缺

聞訖時大宋開

缺

朱昂詩

高四尺九寸廣五尺五寸十三
行行字不一字徑三寸許正書

涪州江心有巨石隱于深淵石傍刻二魚古記云

魚出歲必大豐端拱元年十二月十有四日昂自

瞿塘迴遵途于此知郡瑯琊王公□云石魚再出

來歲復稔昂往而觀之果如所說因歌

聖德輒成一章

朝請大夫行尚書庫部員外郎峽路諸州水陸

計度轉運使柱國朱昂上

欲識豐年兆揚鬢勢漸浮只應同在藻無復畏吞鈎去
水非居轍為祥勝躍舟須知

明聖代涵泳杳難儔

劉忠順等詩 高六尺廣八尺共十九行
行字不等字徑三寸正書

留題涪州石魚詩一章

轉運使尚書主客郎中劉忠順

七十二鱗波底鑄一銜
蓂草一銜蓮出來非共貧
芳餌奏去回同報稔年方
客遠書徒自得牧人嘉
夢合相先前知上瑞宜
頻見

帝念民饑

刺史賢

無逸謹次韻和

轉運郎中留題涪州雙魚之什

尚書七田貪外郎知梁山軍水邱 無逸

誰將江石作魚鑿奮鬣揚髻似戲蓮今報豐登當此日
昔模形狀自何季雪回呈瑞爭高下星以分宮較後先

八使經財念康阜

寄詩褒激

守臣賢

聖宋□□元年正月十二日

缺州事鄒霖命工刊石

新授安州雲夢縣令恭士燮書

建元剝泐据蹇材望詩引知爲仁宗皇祐也無逸

詩下方空處爲元豐九年鄭顥等題名第七行下

方有元祐五年題名其右又有王珪直三字

武陶等題名

高四尺廣二尺四寸四行行十一字字
徑三寸餘刻作碑式額題遊石魚題名

記六字並正書
四周有花紋

尚書虞曹外郎知郡事孟陶熙古涪忠州巡檢殿直侍

其瓘純甫郡從事傅顏希聖嘉祐二年正月八日謹識

劉仲立等題名

高三尺八寸廣二尺四寸四行行九字字徑二寸五六分又刻石人名一

行八字正書
四周有花紋

民掾劉仲立正臣憲掾劉煥仲章涪陵宰□□□良朝

嘉祐二年仲春同游此言誌

教授徐爽□

之監鑄

郡從事馮□等題名

高四尺廣二尺九寸六行行十字字徑三寸五六分正書

郡從事馮王君錫監征王震伯起督郵高槩秉節涪陵

令黃君□□□□傅耆□□□□□瑾公瑛大宋

治平□□□月二十□日同觀石魚于此謹誌

徐莊等題名

未全高四尺廣二尺九寸七
行行七字字長徑五寸篆書

大宋熙甯元年正月一十日軍事判官徐莊同巡檢供

奉王安民監稅殿直王克岐知樂温縣鍾浚涪陵縣令

趙君儀司理參軍

缺

韓震等題名

高三尺六寸廣三尺四寸九行行十字
字徑二寸三四分正書四周有花紋

都官郎中韓震靜翁屯田外郎費琦孝珍姪伯升景先

進士馮造深道盧邁彦通暇日因陪太守駕部員外郎

姜齊顏亞之同觀石魚按舊記太和洎廣德年魚去水

四尺是歲稔熟今又過之其有秋之祥歟熙甯七年正

月二十四日題

黃覺等題名

高二尺二寸廣二尺六寸七行
行七字字徑二寸五分正書

夔州奉節縣令權幕通川黃覺莘老戶掾平原李緩公
敏掌獄鄴都梁鈞佐袞臣熙甯甲寅孟春二十九日泛

輕舟同觀石魚于此

鄭顛等題名

高二尺九寸廣一尺七寸六行
行九字字徑二寸五六分正書

元豐九年歲次丙寅二月七日江水至此魚下五尺權

知涪州朝請大夫鄭顛愿叟權判官石諒信道同觀權

通判黔州朝奉郎吳縝廷珍題

□兆思題名

高廣不計二行
字徑寸許正書

太原□兆男

元祐五年正月十五日

右刻在劉忠順詩刻下方書刻率劣

楊嘉言等題名

高三尺六寸廣三尺二寸八行行十字十一字字徑二寸許正書

聖宋元祐六年辛

缺

望日聞江水既下因率

判官錢宗奇子美涪陵

縣

令史詮默師主簿張微明仲

縣尉蒲昌齡壽朋至是觀唐廣德魚刻并大和題紀朝

奉郎知軍州事楊嘉言令緒題

姚珏等題名

高三尺廣二尺六寸七行行八字字徑二寸五分正書

元祐癸酉正月中澣前一日郡守姚珏率幕賓錢宗奇

涪陵令杜致明主簿張微縣尉蒲昌齡耆龍令袁天倪

遊覽因記歲月巡檢王恩繼至

黃庭堅題名

高一尺二寸廣一尺一寸三行
行三字字徑二寸五六分行書

元符庚辰涪翁來

孫羲叟等題名

高二尺四寸廣二尺六寸七行
行字不一字徑二寸許正書左行

崇甯元年正月廿四日同雲安符直夫臨江宇□深之

來觀 故□相朱公留題表而久之四世孫 仲隱□

□孫羲叟敬書

缺 致君致□侍行

揚元永等題名

高三尺六寸廣三尺四寸十四
行行十三字字徑二寸許正書

□之西津江

缺八
字

自唐以前至本

缺七
字

地大宋崇甯元

年缺六考驗字刻悉符人缺六字

十一人知上缺揚元永剛中奉議郎河缺四字

陵孫義叟敦缺三太原王心卿良弼涪陵令雲安符正

中直夫錄參穎川蔡忱節信樂温令會稽賀致中慎葑

理掾祥符楊緯文赫民掾京地田子良漢傑涪陵簿冀

陽張延牟帝逸尉趙郡宇文湛深之是月中澣後一日

致中命書

龐恭孫等題名高三尺五寸五分廣一尺九寸八

大宋大觀元年正月壬辰水去魚下七尺是歲夏秋果

大稔如廣德大和所紀云二年正月壬戌朝奉大夫知

涪州軍州事龐恭孫記

左班殿直兵馬監押王正卿將仕郎州學教授李賁

通仕郎錄事叅軍杜咸甯通仕郎涪陵縣令權簽判

張永年將仕郎司理叅軍黃希說將仕郎涪陵縣主

簿向脩將仕郎涪陵縣尉胡施進士韓翱書

左方見正月中澣四字

王蕃詩高三尺四寸廣三尺六寸共十行
行字不一字徑三寸五六分正書

蕃解□□道出涪陵司馬机才孺為□陵替郵

實攝郡事政和王辰正旦之明日拉觀石魚且率賦

詩遂為一篇

沂國王蕃

冬旱江成渚維魚記石稜滋濡春遂

後失拓

蒲蒙亨等題名

高二尺八寸廣一尺七寸四行
行七字字徑二寸五分正書

閬中蒲蒙亨彥開通川牟天成聖俞同觀石魚政和王

辰孟春二十三日

此磨舊刻爲之行間尙存張侍行元正月記七字

蒲蒙亨等再題

高二尺三寸廣一尺三寸四
行八字字徑二寸正書

政和二年正月二十三日司理蒲蒙亨率涪陵令周禧

尉牟天成同觀石魚

吳革等題名

高三尺五寸廣三尺一寸十一
行十三字字徑二寸許正書

易以包無魚爲遠民民固可近不可遠余牧是邦久矣

今歲魚石呈祥得以見豐年而知民之不遠也即塵顯
妙有開之先余樂斯二者遂率賓僚共爲之遊時宣和
四年十二月十五日朝散大夫通判軍州事常彥奉議
郎前通判達州權司錄事李全修武郎兵馬都監曹綰
宣教郎權司士曹事王拱迪功郎涪陵縣尉張時行朝
奉郎權知軍州事吳革題

毋邱兼孺等題名

高三尺五寸廣一尺二寸三行行
十三十四字字徑一寸七八分正

書

閩中毋邱兼孺南榮句惇夫眉山劉大全孫伯達宣和
乙巳正月八日同來毋邱光宗孫若訥若拙侍行

陳似等題名

高三尺九寸廣四尺二寸九行行八九字字徑三寸餘正書左行

□炎已酉正月二十一日憲屬陳似襲卿還恭攝郡事

王拱應辰送別江臯僚友不期而

會

□周祉受卿劉純

常大全孫之才伯達林琪子美同觀石魚薄暮而歸時

魚去水六尺襲卿書

銅鍔徐朝卿太原

史時傑等題名

高三尺廣一尺六寸四行行五六字字徑三寸餘行書

史時傑周受卿劉公亨孫伯達

□子美建炎

缺

□日□

右刻在馮君錫之右

文悅等題名

高三尺三寸廣二尺五行行八九字字徑三寸許正書左行

成都文悅理之周祉受卿唐安周南廷向文登劉蒙公

亨眉山劉純常大全姪庚明儒孫之才伯達

趙子適等題名

高四尺廣三尺四寸八行行八字字徑二寸五六分正書篆額題觀石魚

題記
五字

趙子適述道崔煒叔明閻璟國華李去病仲霍李宗賢

師德陳革子正王俶德初虞中立和甫王駿德先鄧竒

穎伯董天成常道紹興壬子正月三日同游

何夢與等題名

高一尺二寸廣一尺三行行七字字徑二寸正書左行

金沙何夢與泉山王憲升紹興壬子正月四日偕來

王擇仁等題名

高四尺廣三尺四寸十行行十二字字徑二寸四五分正書

紹興壬子開歲十有四日涪陵郡守平陽王擇仁智甫

招雲臺奉祠夷門李敏能成之郡丞開封李寘元輔太

平散吏東萊蔡元道過飲公堂酒罷再集江泛舟

中流登石梁觀瑞魚古邦人以見魚為有年之兆惟

善政民已懷之桑麥之歌載道是以隱於數

季而見故惇喜為之記

見字磨去改刻

劉意等題名

高二尺八寸廣二尺六寸八行行十一
十二字字徑一寸六七分行書

劉意彦至豹林种思皆以職事茲郡遇故

人江西李尙義宜仲還自固陵种法平舛来自東賓相

牽拏舟載酒遊北巖及觀石魚竟日忘歸客懷頓釋殊

不知薄宦飄零江山之牢落也紹興壬子季春初六日

慎思題

李宜仲等題名

高一尺七寸廣一尺一寸三行
行四字字徑二寸五分許正書

李宜仲率劉彥至同種慎思遊

張宗憲題名

高一尺九寸廣存一尺四寸存
三行行六七字字徑四寸正書

宋紹興二年十二月初八汝南張宗憲李

後缺

左上方有篆書侍行二字半泐

賈公哲等題名

高三尺二寸廣三尺六行
行六七字字徑四寸正書

大宋紹興二年十二月望日賈公哲曲安祖李去病田

孝孫杜伯恭蔡興宗張稷張宗憲觀石魚

蔡興宗等題名

高二尺七寸廣二尺四行六字字徑三寸許正書

蔡興宗耿宗弼張宗憲紹興乙卯正月十九日同觀石

魚

宋艾等題名

高三尺六寸廣二尺四行六字字徑三寸餘正書

宋艾邢純劉蓮李□王冠朝有宋

紹

興丙辰正□五日

來

賈思誠等題名

高二尺八寸廣三尺四寸十四行十字字徑二寸許正書

涪陵郡城下大江之中流有石魚焉見則為豐年之兆父老相傳舊矣事雖不經偶茲早歉斯民艱食天或垂憫既以有年千里之顛幸也爰因休暇乃率別乘賈公

傑干之田景哲希賢趙子蟻景溫張振孫原之王賡子
欽來觀而石魚出水面數尺傳言之驗將與斯民共慶
之是可書也紹興丁巳十二月中休日左朝散郎知軍
州事澶淵賈思誠彥孚題

賈思誠等再題

高一尺四寸五分廣三尺五寸十
行行四五字字徑二寸餘正書

賈思誠彥孚賈公傑干之趙子蟻景溫張仲通彥中張
振孫厚之潘無隅大方段洵直邦彥紹興丁巳季冬十
有二日同觀石魚

已未題記

高二尺四寸廣二尺二寸八行
行七八字字徑二寸許正書

歲□戊午雙魚出淵□自古昔實維豐年紹興八年正

月初□日郊人言之是歲果大稔明年再到後昔時十
有三日水已肥美已未正月十□日書

孫仁宅等題名

高六尺九寸廣四尺八行行十
四字字徑三寸四五分正書

涪陵江心石上昔人刻魚四尾旁有唐識云水涸至其
下歲則大稔隱見不常蓋有官此至終更而不得覩者
紹興庚申首春乙未忽報其出聞之欣然庶幾有年矣
邀倅林琪來觀從遊者八人張仲通高邦儀晁公武姚
邦孚仁宅之子允壽公武之弟公遒邦儀之子甯
祖郡守孫仁宅題

諸刻並言二魚此獨稱四尾何也

張仲通等題名

高一尺八寸廣一尺二寸四行
行六字字徑一寸八分正書

張仲通陳靖忠馮忠恕同石魚紹興庚申正月丙申

晁公武等題名

高二尺五寸廣一尺九寸五分
五行行九字字徑三寸許正書

晁公武邀外兄高邦儀外弟孫允壽弟公榮公退公適

姪子負表姪高甯祖甥王掖仝觀石魚紹興庚申正月

二十日

潘居實等題名

高三尺五寸廣一尺二寸四行
行十二三字字徑二寸正書

潘居實去華素顏晞王良子善金湯德源路謙子益

高永子修錢之諒益友共遊觀石魚紹興庚申正月念

三日也

張彥中等題名

高二尺四寸廣八寸五分三行行十字字徑二寸許小字二行正書

濟南張彥中高都王紹祖紹興庚申仲春十有二日來

觀石魚

彥中之子傑億侍行

周詡等題名

高三尺九寸五分廣二尺四寸五行行七字字長徑四寸五分篆書

周詡種彥培彥瑞姚邦榮邦孚李舊杜皆發李怙紹興

庚辰歲式月丙午來煑覺書

邦旁作手歲中少作止灸上作支皆篆體之謬者

李景孚等題名

高二尺廣二尺八寸七行行字不一字徑三寸餘正書

古汴李景孚

鄧裒

趙子澄

趙公矇

右四人紹興十三除前二日俱來魚在水尚一尺

杜肇等題名

高三尺一寸廣二尺三寸五行
行七字字徑三寸六七分正書

杜肇任師宏張文遇張携龐价孺杜建鄧裒紹興甲子

正月四日俱來杜肇之子彦攸侍行

張瑤等題名

高二尺八寸廣二尺五行
行七八字字徑二寸正書

唐安張瑤上邽崔慶固陵冉彬陽翟蔡适

右四人同觀瑞魚實紹興甲子六日以識其來也故

書

李景享等再題

高二尺二寸廣二尺五行行五字字徑四寸許正書左行

紹興甲子春正月晦魚全出李景享鄧襄趙子澄載來

冉彬與焉

晁公邁題記

高二尺九寸廣四尺四寸廿行行十二字字徑一寸五分正書

江發岷山東流入于巴其下多巨石霜降潦收則石皆

森然在水上昔涪之人有即其趾刻二魚或攷其時盖

唐云其後始志其出曰其占有年前予之至嘗一出已

而歲不宜於稼及余至又出因與荆南張度伯受古汴

趙子澄處度公矇景初李景享紹祖楊侃和甫西蜀張

珺廷鎮任大受虛中往觀既歸未踰月而旱予竊怪其
不與傳者協豈昔之所爲刻者自爲其水之候而無与
於斯耶抑其出適丁民之有年而夸者附之以自神耶
將天以豐凶警于下而象魚漏之則懼其不必于政而
必于象魚故爲是不可測者耶於是歸三十有六日乃
書此以告後之游者是歲紹興十五年正月廿八日也
嵩山晁公邁子西

揚諤等題名

高二尺七寸廣一尺二寸五行行
字不一字徑一寸五六分正書

紹興乙丑仲春上休日石魚出水四尺按古記大有年
矣使院□□揚諤杜熈孟宗厚王注康□朱繼臣幸永

張猷張□文安□馬顏何玠□□同觀□□繼至

杜與可等題名

高二尺五寸廣二尺四寸十行
行八字字徑一寸五六分正書

戊辰春五馬以雙魚出水率郡寮同觀邦人杜與可楊

彥廣蒲德載董夢臣繼至因思王仲淹時和歲豐通受

其賜之語固知燮理陰陽秉鈞官軸者優為之矣乃刻

石以紀歲月焉紹興十有八年申春望日

鄧子華等題名

高一尺四寸廣三尺二寸七行
行三字字徑三寸餘正書左行

鄧子華种平叔趙子經紹興戊辰申春十

缺木 缺

吳克舒題名

高四尺廣一尺二行行十
十一字字徑三寸正書

汴陽吳克舒以紹興癸酉書雲日挈家來游柑柳侍行

高祁等題名

高一尺六寸廣一尺二寸四行
行九字十字字徑二寸許正書

郡幕高祁子敏令張維持國簿譚詢永叔尉蒲□□之

同來宋紹興乙亥□□□□五日張綰處權題

以後刻證之此為正月五日所題下方有乙丑辛

日周品級文玉章遊此十二字橫列似非宋刻附

識之

張維題名

高二尺廣一尺二寸四行
行八字字徑二寸餘正書

宋紹興乙亥人日前涪陵令張維持國挈家觀石魚弟

綰處權謹題

張維等再題

高一尺四寸廣一尺七寸七行
行七字字徑一寸五分正書

前涪陵令張維同弟綰拉郡人孟彥凱高永許萬鐘重
游石魚共喜豐年之兆是日綰搦毫題石以記歲時綰
興乙亥戊寅丙辰

盛景獻題記

高四尺七寸廣五尺六寸八
行行八字字徑六寸許正書

襄陽盛景獻紹興歲乙亥正月七日率河南張景南河
內游正父游希尹雷澤孟虞卿汎舟江南折梅賦詩復
開帆至石盃下步磐石席坐縱飲既醉日且莫遡江而
歸

黃仲武等題名

高二尺六寸廣一尺五寸五行
行九字十字字徑二寸正書

濮國黃仲武梁公壽春明宋子應小艇同來是日積雨

初晴江天一碧徘徊終日而歸時紹興丁丑元宵後五

日

賈振文等題名

高二尺六寸廣一尺二寸五分四行行十字字徑一寸六七分正書

乾道三年人日賈振文率鄧和叔李從周孫養正庾端

卿張

智

卿來觀姪德象甥向仲卿侍行

趙彥球等題名

高四尺七寸廣二尺六寸九行行十八字字徑一寸五分正書

石魚不出十有八年矣乾道丁亥

玉牒趙彥球攝守是邦魚復出是歲元日大晴人日亦

如之率僚屬遊北巖越三日遂觀

石

魚水痕尤瘦古刻

宛然涪人曰一旬而三美具此大有年之兆而

賢太守德化之所感也在屬吏安敢不書從遊者五人

合陽王如慈古渝何蕭眉山宋中和玉牒趙伯缺下空

御前□缺六翊王浩

王宏甫題名高一尺四寸廣一尺五行行六字字徑一寸五分正書

乾道丁缺三二日合陽王宏甫來觀石魚孫男桂老侍

行并書

盧棠等題名高二尺廣三尺十行行六字字徑二寸五分正書

乾道辛卯元日攝涪陵古汴盧棠拉學官忠南譚深之

錄參温陵會稷酒正坂陽高昱邑尉漢嘉鄧椿讀唐鄭

使君石刻驗廣德水齊預為有年喜

劉師文等題名

高二尺三寸廣二尺十行
行十二字字徑寸餘正書

涪陵江心石梁刻二魚古今相傳水大落魚出見則時

和歲豐自唐廣德間刺史鄭令珪已載二事而魚之鑄

刻莫詳何代蓋取詩人眾維魚矣寔維豐年之義淳熙

五年正月三日劉師文相約同勾口卿賈清卿來觀時

水落魚下三尺邦人舟楫往來賞玩不絕因書以識

昇平瑞慶云向仲卿題

馮和叔等題名

高三尺廣二尺八寸八行行
八字字徑二寸五分分書

淳熙戊戌人日郡守劔浦馮和封季成郡丞開封李拱

德輔率前忠守河內向本价邦輔涪陵令歪信胥挺紹

祖郡幕東平劉甲師文來觀石魚以慶有年之兆

朱永裔等題名

高四尺廣二尺五寸八行行十四字字徑二寸許正書

詩人以夢魚為

豐

年之祥非比非興蓋物理有感通者

涪郡石魚出而有年驗若符契比歲頻見年亦婁豐今春出水幾四尺乃以人日躬率仝寮教官相臺李衍郡幕七閩曾稷秋官武信胥挺武龍簿東平劉甲來觀知今歲之復稔也因識其喜云是歲淳熙己亥假守閩中

朱永裔書

夏敏彥等題名

高二尺八寸廣四尺六寸七行行五字字徑三寸餘正書

郡守眉山夏敏彥博文學掾荆州董天常可久人日

民因觀石魚慶豐年之祥瀉熙甲辰

後疑失拓

賈渙題記

高二尺五寸廣一尺四寸五分五行行十一至十三字字徑一寸五六分行書

澶淵賈渙全姪衍之微之男翼之姪婿郭知口昏裴等

來觀石魚尋先人州判苗題遺迹雖未目覩手筆或可

意窺以江痕尙長故也時戊辰開禧元宵前

曹士中題名

高一尺廣二寸二行行五字字徑一寸五分許正書左行

嘉定庚辰江東曹士中觀

是刻在涪翁題名之右張維再題之左

李公玉等題名

高三尺五寸廣二尺三寸七行行九字字徑二寸許分書

寶慶丙戌穀日涪陵石魚出水面六尺郡太守唐安李

公玉喜其

缺二字

季之兆挈男澤

缺三字

覺民載酒來

缺四字

謝詠眉

缺五字

白子才張

缺

李公玉等再題

方二尺九寸前列四字字徑七寸許後七行行十一字字徑寸餘並正書

瑞麟古跡

郡守李口公玉新潼川守秦季樵宏父郡糾曹掾何昌

宗季文季樵之子九韶道古口之子澤民志可同來遊

石魚闕八年不出今方瞭然大為豐年之祥此不可不

書寶慶二年正月十二日

丙戌殘題

存一行六字字徑三寸餘分書

寶慶丙戌水落

後有元天厯年題記五行宋刻蓋為所磨矣

謝興甫等題名

高二尺五寸廣二尺二寸五行行八字字徑二寸餘正書

長沙謝興甫起

缺

資中楊坤之夷

缺

人虞會和叔紹

定□寅上元後一日來觀石魚子錢侍

左方別有題刻僅見雙龍鱗甲奇变化待何時

十一字疑亦宋人所題

紹定殘刻

高二尺廣二尺六寸五行行存三字至五字不等字徑四寸許正書

缺 鎬星江

缺 □ 潼川馬驥

缺 錢釋之浚儀

缺

潮彥診紹

定 缺 正月五日全觀

張霽等題名

高四尺三寸廣三尺二寸十一行行十八字字徑二寸五分正書

石魚報稔之瑞曠歲罕見清祐癸卯冬水落而魚復出
 既又三白呈祥年豐可占郡太守山西張霽明父率同
 寮來觀通判開封李拱辰居中教授古通王標鈞卿判
 官古黔鄧季寅東叔錄□長沙趙萬春伯壽司理鳳集
 孫澤潤之司戶□□趙與祜仲器監酒潼川李震發子
 華□安□應午子西監稅資中張應有嗣行涪陵縣令
 武信趙廣僖公叔主簿合陽李因夏卿尉合陽馮申龍
 季英忠州南賓簿尉開漢王季和和公節幹成都周儀
 可義父節屬益昌張申之西卿郡齋奉節王建極中可
 與焉時嘉平既望謹識

王季和等題名

高三尺廣三尺二寸十行行
八字字徑二寸五分正書

山西張侯來鎮是邦癸卯甲辰魚出者再邦人皆謂前

所罕見屢書曰識其異忠南郡幕開漢王季和偕所親

張文龍郡齋益昌張申之奉節王建祕侍

太守來觀臘月念肆日也

鄧剛等題名

高一尺九寸廣一尺六寸四行
行十二字字徑二寸五分正書

大宋淳祐戊申正月石魚呈祥郡守廬陵鄧剛季中率

通判江陽何行可元達同觀望日謹誌

趙汝廩詩

高二尺六寸廣二尺八寸八行二行行十
一十二字五行行十字字徑二寸五分正

書

淳祐庚戌正月八日郡守開封趙汝廩觀石魚賦五

十六言

預喜金穰驗石鱗□能免俗且怡神曉行鯨背占前夢

□紀龜陵知幾春拂石已無題字處觀魚皆是願豐人

片雲不為催詩□欲雨知予志在民

劉濟川等題名

高三尺廣二尺四行行七字字徑三寸正書

淳祐辛亥三月既望左縣劉濟川三山林元成都杜庭

燮三瀘何績來遊

朱子詩

高四尺四寸廣二尺四寸四行行七八字字徑四寸餘正書

眇愁方寸神明舍天下經綸具此中每向批瀾觀不足
心如有卒出無窮晦翁

劉叔子詩

高四尺二寸廣四尺五寸十七
行行十五字字徑二寸許正書

鑑湖之石魚唐人所刻也圖經謂三五季或十季方一

出出則歲稔大率與淪江晉義熙碑相侶 聖宋寶祐

貳季歲次甲寅蜡月立舊後一日郡假守長甯劉叔子

君舉偕別駕蹇材望君厚送客江上過石魚浦尋訪舊

跡則雙魚已見實維豐年之兆因披沙閱古碣潏轉運

使尙書主客郎中劉公忠順所題一詩叔子感慨頽波

之滔滔激節石魚之砥柱而轉運公之佳句與之相爲

無窮敬嗣韻以識盛事尚庶幾小雅歌牧人之夢之意
云尔

嘴尾洋洋石上鑄或依于藻或依蓮夢占周室中興日
刻自唐人多歷季隱見有時非強致豐凶當歲必開先
太平誰謂真無象罩罩還歌樂腹贇

三年舊王正月乙巳命男貢士從龍書

蹇材望詩

高二尺二寸廣三尺六寸十三
行行十字字徑二寸許正書

涪昌石魚之出占歲事之豐昌歲事之豐彰太守之贇
尚矣長甯劉公叔子鎮是邦又出夫豈偶然別駕潼川
蹇材望賡皇祐劉轉運詩昌紀之

宋寶祐貳年嘉平下澣書

何代潛鱗翠珍鑄雙雙依藻更依蓮夢符端報屢豐兆

物盛魚麗美萬物盛多宜歌大有年玉燭調和從可卜金刀題

詠又開先渾如潑刺我心躍感召還知太守贊粵明年

人日重遊

江應曉詩高二尺八寸廣一尺八寸五行七字字徑二寸餘正書

扁舟江上覓神鑄結社何須訪白蓮水底影浮剛一尺

畝中兆協已千年沉碑我識杜元凱博物誰同張茂先

別駕重來賡轉運風流太守是前賢
新安江應曉

楊名時詩高二尺廣二尺七寸九行七字字徑寸餘正書

江有魚方石上鐫浪生鱗甲擁為蓮鑑湖不遊驚魚笛
白鶴將鳴和有年在藻興歌時已遠臨淵難羨釣淮先
風流刺史懸魚節化作遊鱗頌令賢
涪庠士楊名時

和

金國祥詩高三尺六寸廣三尺五寸九行
行七字字徑二寸五分正書

江石之魚何代鐫江頭之石擁青蓮呈奇偏遇上元節
題句因書滄祐年來去豈為簑笠引浮沉不作鼉鼉先
今人漫續古人詠他日還傳此日賢
新安金國祥

徐上昇等詩高二尺廣二尺七寸九行
行七字字徑一寸五分正書

約賦石魚江上鐫伊人佳句比青蓮留形遠垂建炎代

多誌由攷淳祐年潛見何心関運會人材有意贊今先
民依可念愁魴尾題石故願刺史賢

涪庠庠士徐上朝和

右三詩皆用劉轉運韻而金徐二作皆稱淳祐徐

詩又稱建炎所未詳也姑附於此

何震午等題名

高二尺五寸廣三尺九行行九
字十字字徑二寸許行楷書

寶祐戊午正月戊寅軍事判官昌元何震午季明知樂

温縣燕國趙與珞思復糾曹岩渠素逢龍清甫理掾古

渝杜夢午南卿文安王垓子經汴陽向大源清夫觀石

魚之兆豐拂涪翁之遺跡亦一時滕遊也濡筆以書

甲子題記

高三尺六寸廣三尺五寸十四行行八至十五字不等字徑二寸正書

涪江之心有石魚春初魚見可卜豐稔州之八景云石魚兆豐者即其所也甲子春正月忠州守朱世兄自巴渝返舟過此其尊人與余誼屬師弟而其叔朱羽公諱麟禎者初官于涪士民德之亦嘗來此余因携觴偕往以續舊遊見石魚復出則是年之稔可知因舉觴相慶曰國之重在民也之重在食而食之足又在樂歲之有餘則吾儕之此一遊也非但以遊觀為樂直樂民之樂也云爾於是乎記

李可久等題名

方一尺六寸五行行五六字字徑二寸許行書左行

李可久偕弟光錫光福蔣伯禹古廷輔來觀戊戌中春

七日廷輔之子鎡侍

趙時儼題名

高一尺六寸廣一尺八寸六行
行五六字字徑二寸餘正書

玉牒時儼丞郡于茲石魚兩載皆見之壬戌仲春携屬

同妹夫王倬遊男若金侍

集韻妹渠尤切匹也此疑用妹字

雷穀題記

高二尺六寸廣二尺十行行十三
至十七字字徑一寸四五分正書

予知是州視篆初有告曰江心有石魚杵斗出則年豐
是歲甲申水涸率寮屬以遊觀得覩者魚而已杵斗猶
漬之水時果稔輸用足乙酉仲春二日同僚友徵仕郎

陳子仲致中後仕郎苟仕能復覽魚去水五尺杵斗不見如昨時朝使江右晏孟瑄洎州學正古郡歐陽士麟訓導西陵易巽義陵張致和古邵成禮同遊生員萬琳等侍奉訓大夫涪陵守古邕雷轂運通誌

盛芹等題名

高二尺三寸廣二尺二寸五行行六字字徑三寸許正書

盛芹率張适游蒙張遜同來子女德公孝胄興忠侍歲

丙子上元後二日

盛芹疑即盛景獻芹其名景獻其字也張适疑即張景南取義於南宮氏游蒙疑即游正父蒙以養正名字相協丙子疑為紹興廿六年姑附宋末

祿幾復等題名

高三尺廣二尺七寸六行行七至九字字徑四寸許正書

判官祿幾復兵官王世昌趙善暇知錄郝烜縣令楊灼

司理孫震之司戶李國緯主簿何昨縣尉鄧林歲戊辰

上元同來

何憲等詩

高五尺四寸廣四尺七寸十八行行字不一字徑二寸許正書

□□□□□□□□出水三尺□

缺

通□□□□□觀因成拙

詩一章繕寫拜

呈伏□

笑覽

知涪州軍州事何

憲

何年天匠巧磨礮巨尾橫梁了莫窮不是江魚時隱見

要知田稼歲凶豐四靈効瑞非臣力一水安行屬
帝功職課農桑表勤惰信傳三十六鱗中

歲將大稔霍魚出見邦人縱觀以慰維魚之占也戊
辰正月二十有八日魚出水數尺

知府學士置酒瑞鱗閣邀賓佐以樂之又蒙出示
佳篇以紀其實辛雖非才輒繼

嚴韻斐然成章但深慙慙伏幸

采覽 權通判軍州盛 辛

巨浸浮空無路通霍鱗紀瑞杳難窮昔人刻石留山趾
今日呈祥表歲豐衆喜有年歌

善政獨慙無補助

成功須知顯晦將千載往哲標名歲大中

唐宣宗年号也

縣令王名謹刻判官龐孺書

高應乾詩

高一尺七寸廣二尺八分行行七字字徑一寸七分正書

訪勝及春遊雙魚古石留能觀時顯晦不逐浪沉浮守

介難投餌呈祥類躍舟胥歸霖雨望千載砥中流西

陵高應乾侶叔氏題

楊太守詩

高二尺八寸廣二尺四寸七分行十字字徑一寸六七分行書

太守楊公留題

邀客西津上觀魚出水初長江多巨石此地近仙居所

記皆名筆為祥舊口書豐年知有驗遺秉利將舒戲草

春波靜雙鱗樂意徐不才叨郡寄燕喜愧蕭疎

姚昌遇等題名 高四尺四寸廣二尺六寸三行
行字不一字徑五寸餘正書

吳興姚昌遇

彭城錢好問偕侍親觀故跡

下方有明成化年題刻四行

李襲題名 高四尺一寸廣一尺三寸二行行七字字
長徑五寸四分又小字二行行十二字字

長徑一寸四分
分並小篆

李襲觀石魚題名涪陵尉鄭階平書

二石魚在江心石梁上古記云出水四尺歲必大稔

袁能刻

傅端卿題名

高廣不計一行六字字徑五寸許正書在張宗憲題名之右

遂甯傅端卿遊

董時彥題名

高廣不計一行六字字徑二寸許正書在楊太守詩刻之右

□□董時彥遊

王漢老題名

高廣不計一行九字字徑二寸許正書在申狀題記之右

無諍居士王漢老來觀

駢體殘刻

高二尺三寸廣一尺六寸四行八字字徑二寸五分行書

溯清流而激甲砥洪波以安瀾旋因止水住為依山前

卜豐年之兆待作化龍之觀

已卯冬乞假旋里道經鄂垣姚彥侍以此見贈亟錄之梭魚長三尺銜尾而進弟二魚上方行未有見南記三正書字徑三寸許疑是唐刻所遺明統志江心石魚在鑑湖上流江心有石刻雙魚皆三十六鱗一銜萱草一銜蓮花有石秤石斗在旁魚現則年豐題記悉與之合題刻諸人晦翁涪翁而外姓名全者三百四人惟朱昂吳革劉甲史有專傳龐恭孫附其祖籍傳而已文苑傳朱昂字舉之太平興國二年知鄂州加殿中侍御史爲峽路轉運副使就改庫部員外郎遷轉運使端拱二年以

本官直秘閣賜金紫此詩作於元年十二月己將
去蜀史不載柱國者略之龐恭孫字德孺宰相籍
孫單州武成人史稱崇甯中知涪州此題在大觀
二年尙未去任也忠義傳吳革字義夫華州華陽
人史所載皆南渡時事此題在宣和四年蓋即其
人史不詳其所歷官位闕也劉甲字師文其先永
靜軍東光人後家龍游淳熙二年進士累官至度
支郎中此題尙在其前史家略之至史傳之劉恕
子渙字凝之爲潁上令王素子震字子發在紹聖
年間土拱爲建康府前軍統制劉蒙附張問傳字

子明渤海人周南字南仲平江人紹熙元年進士
張遜博州高唐人在太宗朝均非即此題名之人
矣宋宗室世系表武節郎子蟻令肅子秦王裔忠
翊郎子澄令答子與珞希樅子俱燕王裔武翼郎
公矇宜之子廣陵郡王裔汝廩善橐子商王裔明
統志趙汝廩知涪州勸農興學民爲立生祠於學
宮以配鄭黃尹譙四賢亦賢牧也表有訓武郎子
適令高子又有忠訓郎子適令鼈子俱燕王之後
有兩與祢一爲希桌子一爲希濬子亦皆燕王之
後有四彥球一爲高密郡王之後公回子一爲廣

陵郡王之後公立子其二皆廣平郡王之後一爲
公亮子一爲公尤子此題名者未知孰是王冠朝
即書伊川祠記者

八瓊室金石補正卷八十三終

金石錄卷之三

三
希古樓刊

入瓊室金石補正卷八十四

太倉陸增祥撰

男 繼輝校錄

吳興劉承幹覆校

宋

修周康王廟碑

高五尺六寸廣二尺九寸廿五行行五十字字徑七分
分行書額三行題大宋新修周康王廟碑九字正書
在咸陽

大宋新修周康王廟碑并序

朝□郎□宗正丞□□守廟事臣黃遜浮奉 勅撰

翰林待詔□□□□□□□□□□□□□□□□臣孫崇望奉

勅書

臣嘗覽聖哲之□□□□□□□□□□之□□□□唐□□□□□□□□
 □□□□□□□□□□□□□□□□越周室周室之盛可得
 而言文王則大統未集武王則天下初定成王則管蔡
 流言其能安於□□□□□□□□仁□□□□□□□□□□□□
 □□□□□□矣王名釗即文王之曾孫武王之孫成王之
 元子也在位二十六年布政和平撫民安樂故謚曰康
 若乃肇自后稷降及古公相九土而教三農播百穀而
 利万世源派貫於天地功名□於日月故□得此□□□□
 也□□□□□□□□□□□□□□□□三后天下已安誠能安不忘危

遂有報諸侯之誥其辭則尊烈祖之訓畏上天之威□
先公之□使心在王室於是羣公□□□方無虞洎嗣
聖一紀海內大治復能治不忘亂故作畢公之命其旨
則保成周之眾殄商俗之□□世祿之家俾人興禮義
於□道洽政治澤潤生民所以三十□□□□□景
祚□□措刑不用垂拱仰成者惟王爲盛矣嗚呼□世
之下令德□存陵廟□□祭祀絕矣不逢 大聖

孰主至神

我應天廣運聖文神武明道至德仁孝皇帝□□下之
十四載聖政日新睿謀天贊□武功則威加四海敷文

德則化洽万邦書軌由是混同蠻夷以之率服千古之
闕文盡補百王之墜典咸修□德及於三靈仁化洽於
万彙一日 上曰朕自撫興運思致太平既時和

年豐遠安邇肅□□□降祐故三陳告□□□□□
□□社垂休故每遵□□□陟□□之禮所以五嶽四海名
山大川並葺靈祠用荅 元貺唯□□明王聖帝

俱有異德殊功□皆□廟荒殘祭饗乏絕□神道設教
有感則通法施於人無德不報若禹湯共桀紂齊泯則
治乱□興亡無分將何以經□化□垂□□□於是

勅彼郡縣委其□宰官給資用民無煩勞廟貌有

圖授成規而各令勅建□□有數泐禮□□而並使增修
此廟告成乃□曲盡觀其廣殿穹崇而嶽立□□回繞
而霞連繡闥文楣始盡丹青之飾虹梁鴛瓦□□□氣
之成□□之羽衛增嚴□□之明靈有託於是□庭既
設祀事□□□□之用咸臻巨甌之容畢脩祿禮文而
四時有奉□□□□典而万代無窮□□□□□□□□
□□者矣將傳不朽□勒貞珉下臣幸立 □庭□□□

睿旨徒罄直書之筆莫昭盛□□□□□□曰

大哉后稷 德合無疆 播□□□□□濟□□□□

□□茂 源遠流長 文猶事紂 武乃克商 流言

管蔡 成道災祥 周室之盛 莫越康王 嗣□□

□□民治國 □□□□□ □修一德 誥令諸侯

化安九域 畢命既行 商風自息 不宰之功

莫知其極 百□□□□ □□□□□ □□□□□ 道

越伊周 咸昭盡善 文質俱優 □□万彙 德服

諸侯 明靈昭薦 廟貌增修 □□□□□ □□□□

□□□□□ □□□□□ 永安□□□

開寶六年歲次癸酉二月辛巳朔十五日乙未建

宋祖葺前代帝王寢廟文武成康皆有之今碑存者

獨成康耳而康王碑斷泐不可讀開寶六年黃遜浮
撰孫崇望行書亦與唐太宗碑同時而王元美題憲
宗廟碑謂宋祖注意憲宗蓋未見周成康唐太宗諸
碑耳崇望待詔書院者一時習尚故不離通微院體

也

石墨
鐫華

文有云我應天廣運聖文神武明道至德仁孝皇帝
宋太祖紀乾德元年十一月百官上尊號曰應天廣
運仁聖文武至德皇帝開寶元年十一月上尊號曰
應天廣運大聖神武明道至德仁孝皇帝與此聖文

者異

關中金
石記

宋史太祖紀開寶二年九月甲辰詔所在有司周文武成康秦始皇漢高祖文景元成哀後魏孝文西魏文帝後周太祖唐高祖太宗中肅代德順文武宣懿僖昭諸帝凡二十七陵案所列凡二十八帝嘗被盜發者備法服常服各一襲具棺槨重葬長史致祭增守陵戶各二未及勅修各廟事據萃編所載有新建商中宗周武王漢光武唐高祖太宗五廟碑今復得女媧周康王後周太祖三碑皆建於開寶六年商中宗碑云粵以開寶辛未歲經始以壬申歲畢功則修廟之詔當下於開寶四年宋史禮志云太祖平廣南命李昉盧

多遜王祐扈蒙等分撰嶽瀆祠及歷代帝王碑遣翰林待詔孫崇望等分詣諸廟書於石未著其年月平廣南乃開寶四年正月事修廟立碑即其時也此碑書者爲孫崇望萃編載周武王漢光武唐太宗三碑皆崇望奉勅書此碑崇望銜缺一字據萃編所載補注於旁撰文者黃遜浮名不見於傳記銜缺四字無可補矣

筠清館金石記

會善寺尹輔詩刻

高一尺二寸三分廣二尺四寸廿行
行字不等字經七分正書在登封

大德偃卧林泉岡求聞達蓋以道行久著聲華

自高故得

丹詔遠臨

紫衣就降信有光于法侶是以榮彼僧門輔方

捐道風備嘗

真味喜觀

殊命形諸詠言謹錄咨

呈幸希

采覽

登仕郎試大理司直守登封縣令賜緋魚袋尹輔上
支遁行藏惠遠才幾年嵩少避浮埃

八行丹詔雲間落一對紫衣天上来誦律夜窻寒月皎

閉門秋渚白蓮開名高自達

君王聽就降

殊恩不假媒

開寶六年歲次癸酉二月十六日題記

修蒼頡祠頌碑并陰

高四尺三寸廣二尺七分廿四行行字不齊字徑五分許額題皆大宋蒼公碑六字俱行草書在白水

夫蒼公遺教起自軒皇周穆已來始□人天遊在沫

泗之時感鳳凰來儀引□□于飛會水伴留其蹤跡乃

共六□□□□□

缺

章篇製得五部之經達於西域

蒼頡者天生德於 大聖四目重光演 聖皇之

經書克度山川□□之數□□□□□缺葬之 大

仙諱其 頡字至熹平六年二月二十二日身薨班

宣御禮 勅置塋邱以酒脯掩之以 蒼頡之

初□□缺州十道進貢青鳧石室靈堂殮在彭衙□地

東臨北徵之水西接嶠山南望五龍之蒲城北枕高奴

之□□□□空周公霸業明憲典墳乃於域中取得

蒼公制作之精却向洙泗水邊再集卷章流行宇宙

變□天下□□未能建官非□缺丙有百揆四岳外有

州牧侯伯萬國咸甯乃立 太師 太傅 太保惟作

三公論道經邦燮理陰陽仍統六卿共均天下缺冢宰

掌邦治百官均四海 司馬掌邦教主其五典 宗伯

掌邦治於神人和其上下 司馬掌平達邦國 司寇

掌邦缺亂 司空掌邦居和四巳時利六卿感其災害

不至禍亂不作口典 三教豈自 周時天將以

夫子為木鐸舉缺天地乃將冠者五六人童子六七

人吟詠詩章迴至書室知身似於秋露浮生世不長居

從床而起拽杖逍遙倚門歌曰缺頽乎梁木其壞乎哲

人其萎乎 顏回以聰瞻視儼然即知口之也今遇

當金睿化立政除邪 皇文降下諸州管下推尋

賢士先奉 宰君安令就廟檢尋石銘留文墳

塋見在缺 □跡記号 蒼頡頂帶仙冠鳳履雙

□四眼八□名曰 蒼公具事申□奉

宣開奏諸神廟而毀廢比 靈跡□存留重建殿堂

覆其石室惟 神威靈朗□能貫 百王□□

□缺 如有信剋期章卷行於宇遺文播教冬庠 文

星墜於凡間 塋內靈安石室禎祥通變保佑彭衙

邑 宰缺 皈敬今有邑眾信士維那司徒稹等知

神明而可託惠眼遙觀紅日爰於長天万像有刑皆

照是以□投 英□□缺 敢眾力以扶持遂堅心而

應願召集巧匠建殊勝事再膏與揚重雋石記知從訓
者儒中末輩於世懦徒 虔心禱□ 神祇便得忝靈

借□未敢書於碑上乃昨經 縣驗呈便蒙 貞

外勘詳 思明賜許只忝二乎兩人一主其餘更缺兼

得 貞外職函隨文將至額 神恩垂海內利益

群生一切有情同霑此福後述頌曰

蒼公大聖 除邪立□ 感應君王 得聞天聽 殿

宇興修 再興石銘 利益郡生 万民皈敬 鳥跡

靈幽 □四缺 墳前石室 万古千秋 准宣勘覆

安令申州 詣實聞奏 古廟存留 肯維大宋

開寶八年 歲當乙亥 大呂 缺 莫生十菜 村眾

恭虔 興改備畢 万代留傳 伏惟 太師弼諧重

職燮理陰陽宏 帝道於仁成闡 皇王之威化 □臨

□□□ 缺 作邦国之棟樑播万年之 □□ 伏維 貢

外 班宣重職 佐国匡朝 彭衙為宰 化比唐堯

馳聲与旦 翦截暄囂 八貢之内 斬令名趙

□充小 缺 取上効勞 思臨万姓 撫恤曹僚 搆

徹京輦 轉更 □高 維那張初 維那甄行滿 鄉

貢三禮韓從訓製文 鄉貢三禮韓文正書 匠人雷

令寶刻思 缺

儒林郎守白水縣令兼監益趨商稅務勒惟一登

仕郎守主簿李文通 專知宜□益務彭□□押司

錄事姜懷進 党□□ 知苗鄉貢三禮韓令□

維那 缺

碑陰

四列每列行數字數均不一
一字徑五分許行草書

崇明社 邑義如後 一十八人并修覆埒

張初 李□ 張訓 司稭 甄滿 陶朗 李銳

龔遇 馮福 龔厚 韓訓 韓筠 甄温 許斌

韓正 陳□ 陶崇 張琦 席子張信

社人如後 賀□

陳柔 孫臯 張密 張順 陳温 張朗 李崇

李福 成寬 楊温 雷重 雷思 王肇 陳重

張息 陳故 嚴莅 劉審 陳瓌 竅美 耿訓

成饒 孫鄴 孫義 孫釗 孫武 孫遠 陳陶陳

福

孫通 陳仙 陳順 陳訓 馮嗣 高進 高秀朱

玠

張珩 張□ 張遂 張暉 成顥 成鐸 成玠

張重 雷嗣 雷景 王陶 王福 李述 李柔

劉韜 許□ 張勗 甄進 孫贊 周息 井村張

□

當社里正成□羊一口 張訓粟 一石五斗 孫遇

諸社施主 徐莊党化成

和蕪 傅玫粟 一石二斗 李柔羊一口粟 一石

傅柔羊一口粟 一石 馮釗羊一口 馮宏粟 一石

谷下 庫狄滿氈一領 豐洛張陶羊一口

西□孚 □□氈一領 魚贊粟 一石 雷鐸粟 一石

樹均 劉朗羊一口 徐莊酒務張延嗣氈一領党顯

武庄 武瓌羊一口 張庄 張口 粟一石

張璠 張温 張珣 張瑄

右弟
一列

豐義村施主

王饒 王義 揚晏 揚敏

王厚 崔祐 馬遇 盖義

孟爽 李柔 揚瑄 揚釗

党口 王思 樊思 趙福

口嗣 口暉 口思 文順楊寶

同福 李嗣 李義 揚逼

龔友 張彦 盖言 李遇

李趙 龔仙 □春 李進

紀莊社施主

雷逼 雷稠 雷美 朱思

李昌 王贊 李福 朱遇

李嗣 紀義 紀嗣 紀美

姜重 姜美 姜嗣 朱進

雍厚

和蕓社 張温 張瑫

傅饒 □嗣 李嗣

故澄党玘劉仙 雷均 傅殷 此行高出兩格

右弟
二列

西章村施主

韓美 雷美 雷表 索肇

雷晏 魚均 魚遠 魚訓

魚朗 武求 武朗 孫遷

雷信 索隱 魚翼 魚祚

武魯 雷禮 武彥 魚肇

魚義 魚駮 魚殷 魚禮

武進 雷隕 索訓 武長

樹歸村施主

摧美 党侏 郭思 郭訓

郭重 雷福 郭密 摧釗

雷贊 雷謙 雷進 郭贊

梁思 党美 郭義

東章村施主劉義粟一石五斗

王文栗一石 李進粟一石

劉思栗一石 李遂党璠

蘭餘 劉璠 孫通 李達

李贊 李詮 李順 李佶

李豐 甄遠 蘭柔 蘭嗣

劉美 李遇 劉珣 李銳

李岌 劉福 甄訓 耿全

李恩 呂思 蘭贊

右弟
三列

山下王庄施主

王翰逸 王遇 王允 雷僬

李温 婁密 何謙 何遇

田餘 魚思 雷祐 王保

武莊施主

武美 武逢 成福 衮朗

王美 程進 武思 張嗣

王嗣 武順 武義 武贊

房玫 王全 王遂 石重

梁珣施錢伍十文

建德社 雷珣施碑材

丹青前攝同州節度巡官韓文正裝

豐洛社施主 呂福

呂璿粟一石 呂培 呂趙 呂嗣

呂斌 張進 呂興 張福 張順

張僥 張文 張珣 呂昌 王美

群美社 陳嗣 馮遇 陳順

雷温 魏昌 陳言 楊佶 王義

王嗣 王朗

右弟
四列

前延安都督府市令王翰逸施一石 此行在碑尾中間
元祐題名之後

都料董□造碑架 此行在碑尾下
方弟四列之後

元祐八年三月六日曾來 此行在弟四列之後是後
來續題者而未見姓氏

著作佐郎呂大防謁倉頡祠下 嘉祐己亥五月
行在

碑額正書左
行字徑寸

右修蒼頡祠頌碑并陰在白水文蕪陋且有不可
解語書刻尤率劣了不足觀時值李唐文盛之後
尙有如韓從訓者得與鄉貢可見僻壤荒陬人文
不振非教澤所能濡染今古同之也宋史開寶三
年詔所在有司前代帝陵嘗被盜發者具棺槨重
葬長吏致祭其它無聞据此碑則古昔聖賢凡祠
廟墳塋一並檢尋修葺是可以補史之遺并可以
爲蒼頡廟之掌故也錄之大呂□□奠生十葉蓋
十二月十日也書者韓文正潛研目錄以爲元正

非關中金石記云碑陰列孔子弟子姓名大誤韓文正署銜稱同州節度巡官同州節度宋稱定國軍節度王翰逸署銜稱延安都督府市令延安都督府宋稱延安府碑所題皆唐官故稱前也字體訛謬不足述民作巨頌詞內又作民世作世不避匡字向非碑有紀年不幾定爲唐刻邪

沈繼宗造金剛經碑

六石石高二尺七寸四分廣二尺二寸至二尺四寸五分不等每石三截截廿八行至卅一行不等行十一字經後題記每行十字惟首行十一字署銜二行較多字徑七分許正書在開封府繁臺塔內

金剛般若波羅蜜經

般若波羅蜜多心經

修立金剛經石壁功德伏願

皇帝萬歲親王千秋文武勲賢千官百辟長扶

聖代永佐

皇家將吏緇黃諸軍萬姓俱臻富壽咸遂樂康次願本宅

尊親永隆福慶闔家早幼同保安甯然更願天平地成
河清海晏風調雨順歲稔時豐慶瑞畢臻災害不作法
輪常轉佛道興行六類四生三界九地盡虛空界一切
含識俱乘聖力同證真常

大宋太平興國二年歲次丁丑十月戊午朔八日乙丑鄉貢進士趙安仁書

朝散大夫行尚書水部員外郎柱國沈繼宗建

匠人王能鑄

按宋史列傳趙安仁河南洛陽人幼時執筆能大字
雍熙二年補梓州擢鹽院判官會國子監刻五經正
義板本以安仁善楷書遂奏留書之直集賢院王侯
內戚家多以銘誄爲託歷官御史中丞諡文定宋初
去唐未遠所書二經猶有唐人遺意

中州金石攷

十善業道經要略碑

六石石高二尺七寸三分廣一尺二寸至一尺四寸不等三列列廿三行至廿五行不等行十字字徑七分後幅題記銜名廿四行行字大小均不一均正書在開封府繁臺塔內

十善業道經要略

唐金紫光祿大夫守中書侍郎兼戶部尚書同中書門下平章事充集賢殿大學士裴休撰

如是我聞一時佛在娑竭羅龍宮告龍王言一切眾生心想異故造業亦異由是故有諸趣輪轉靡不由心而心無色不可見取但是虛妄諸法集起畢竟無主無我我所雖各隨業所現不同而實於中無有作者故一切法皆不思議自性如幻智者知已應修善業汝觀佛身

諸相莊嚴光明顯曜諸大菩薩妙色嚴淨皆由修集善業福德而生今大海中所有眾生形色麤鄙或大或小亦由自心造不善業是故隨業各自受報汝當於此正見不動勿復墮在斷常見中當知菩薩有一法能斷一切諸惡道苦何等爲一謂於晝夜常念思惟觀察善法今諸善法念念增長不容分毫不善間雜是則能令諸惡永斷善法圓滿常得親近諸佛菩薩及餘聖眾言善法者謂人天身聲聞獨覺無上菩提皆依此法以爲根本而得成就故名善法此法即是十善業道何等爲十

一者不殺生 二者不偷盜 三者不邪行

三事爲身業

四者不妄語 五者不兩舌 六者不惡口 七者

不綺語

四事為口業

八者不貪欲

九者不瞋恚

十者

不邪見

三事為意業

若能永離殺生即得十種離惱法一

者於諸眾生普施無畏二者常於眾生起大慈心三者

永斷一切瞋恚習氣四者身常無病五者壽命長遠六

者恒為非人之所守護七者常無惡夢寢興快樂八者

滅除怨結眾怨自解九者無惡道怖十□□□□若

能迴向阿□□□□三菩提後成佛時得佛隨心自

在壽命 若能永離偷盜即得十種可保信法一者資

財盈積王賊水火不能散滅二者多人愛念三者人不

欺負四者十方□美五者不憂損害六者□□流布七
者處眾無畏八者財命色力安樂辯才具足無缺九者
常懷施意十者命終生天若能迴向阿耨多羅三藐三
菩提後成佛時得證清淨大菩提智 若能永離邪行
即得四種智所讚法一者諸根調順二者永離誼掉三
者世所稱歎四者妻莫能侵若能迴向阿耨多羅三藐
三菩提後成佛時得佛丈夫隱密藏相 若能永離妄
語即得八種天所讚法一者口常清淨優鉢花香二者
爲諸世間之所信伏三者發言成諦四者常以愛語安
慰眾生五者得勝意樂三業清淨六者言無誤失心常

歡喜七者發言尊重人天奉行八者智慧殊勝無能制
伏若能迴向阿耨多羅三藐三菩提後成佛時得如來
真實語 若能永離兩舌即得五種不可壞法一者得
不壞身 能害故二者得不壞眷屬無能破故三者得
不壞信順本業故四者得不壞 行所修堅固故五者
得 知識不誑惑故若能迴向阿耨多羅三藐三
菩提後成佛時得正眷屬諸魔外道不能沮壞 若能
永離惡口即得八種淨業一者言不乖度二者言皆利
益三者言必契理四 詞美妙五者言可承 言即信用
七者言無可譏八者言盡愛樂若能迴向阿

耨多羅三藐三菩提後成佛時具足如來梵音聲相

若能永離綺語即得三種決定一者定爲智人所愛二者定能以智如實荅問三者定於人天威德最勝無有虛妄若能迴向阿耨多羅三藐三菩提後成佛時得如來諸所受記皆不唐捐 若能永離貪欲即得五種自在一者三業自在諸根具足故二者財自在一切怨賊不能奪故三者福德自在隨心所欲物皆備故四者玉位自在珍竒妙物皆奉獻故五者所獲之物過本所求百倍殊勝由於昔時不慳嫉故若能迴向阿耨多羅三藐三菩提後成佛時三界特尊皆共敬養 若能永離

瞋恚即得八種心一者無煩惱心二者無瞋恚心三者
無諍訟心四者柔和質直心五者得聖者慈心六者常
作利益安眾生心七者身相端嚴衆共尊敬八者以和
忍故速生梵世若能迴向阿耨多羅三藐三菩提後成
佛時得佛無礙心觀者無厭 若能永離邪見即得十
種功德法一者得真善意樂真善等侶二者深信因果
甯殞身命終不作惡三者唯皈依佛非餘天等四者直
心正見永離一切吉凶疑網五者常生人天不更惡道
六者無量福德轉轉增勝七者永離邪道行於聖道八
者不起身見捨諸 □業九者住無礙見十者不墮諸難

若能迴向阿耨多羅三藐三菩提後成佛時速證一切佛法成就自在神通

右已上是凡夫位中所修十善業道修此業道則常於

人天受大福報 若能知心是佛知法無常樂修佛乘

獸離五欲欲自度脫先須度人廣運慈悲濟拔羣品以

此十善為本而行菩薩妙心是名迴向阿耨多羅三藐

三菩提唐言无上正真道是一切眾生本心欲證自

心須觀法性降伏三毒除去我人而發四宏誓願眾生无边

誓願度法門无边誓願學煩惱行六波羅蜜一布施二持戒三忍

无邊誓願斷无上佛道誓願成修四無量心一慈

辱四精進五禪定六智慧以十善為本而行此六波羅蜜便入菩薩位

悲心三喜心四捨心以十善爲

運四攝法

一布施二愛語三利行四

本而行此四心便入菩薩位

及三十七品助菩提道皆

以十善爲本而次第修行以莊嚴菩提之心拔濟衆生

之苦即得速成佛果超過人天 華嚴經 金剛藏菩

薩說菩薩從第一歡喜地入第二離垢地始能順性行

十善道

從凡夫位乃至地前但順理而修登地已後習以成性而而修也

佛子菩薩住

離垢地性自遠離一切殺生不畜刀杖不懷怨恨有慙

有愧仁恕具足於一切衆生有命之者常生利益慈念

之心是菩薩尙不惡心惱諸衆生何況於他起衆生想

而行殺害 性不偷盜菩薩於自資財常知止足於他

慈恕不欲侵損若物屬他起他物想終不於此而生盜
心乃至草葉不與不取何況其餘資生之具 性不邪
婬菩薩於自妻知足不求他妻於他妻妾他所護女親
族媒定及爲法所護尙不生於貪染之心何況從事
性不妄語菩薩常作實語實語時語乃至夢中亦不忍
作覆藏之語無心欲作何況故犯 性不兩舌菩薩於
諸衆生無離間心無惱害心不作離閒說不說離口語
若實若不實不將此口爲破彼故而向彼說不將彼語
爲破此故而向此說未破者不令破已破者不令增長
性不惡口所謂毒害語麤獷語苦他語令他瞋恨語

現前語不現前語鄙惡語庸賤語不可樂聞語聞者不
悅語瞋忿語如火燒心語怨結語熱惱語不可愛語不
可樂語能壞自身他身語如是等語皆悉捨離常作潤
澤語柔軟語說意語可樂聞語聞者喜悅語善人人心
語風雅典則語多人愛樂語多人悅樂語身心踊悅語
性不綺語菩薩常樂思審語時實語義語法語順道
理語巧調伏語隨時籌量決定語是菩薩乃至戲笑尙
恒思審何況故出散亂之語 性不貪欲菩薩於他財
物他所資用不生貪心不願不求 性離瞋恚菩薩於
一切眾生恒起慈心利益心哀愍心歡喜心和潤心攝

受心永捨瞋眼怨害熱惱常思順行仁慈祐益性離
 邪見菩薩住於正道不行占卜不受惡戒心見正直無
 誑無諂於佛法僧起決定信

佛子菩薩摩訶薩如是護持十善業道常無間斷復作
 是念一切眾生墮惡趣者莫不皆以十不善業是故我
 當自修正行亦歡於他令修正行何以故若自不能修
 行正行令他修者無有是處 佛子此菩薩摩訶薩復

作是念十不善業道是地獄畜生餓鬼受生因十善業

道是人天乃至有頂處受生因據大經義十善大分爲上下品細分爲五品此

段是人天十善都爲下品以其皆不出三界淪迴也又此上品十善業道以智慧

修習心慳劣故怖三界故闕大悲故他聞聲而解了故

是聲聞乘

自此於上品中分為四段此段明聲聞乘十善以其尚怖三界闕大悲心疾

以其尚怖三界闕大悲心疾取洄槃且安寂靜故為小乘

又此上品十善業道修治

清淨不從他教自覺悟故大悲方便不具足故悟解甚

深因緣法故成獨覺乘

此段明獨覺乘十善以其不從他教自悟甚深因緣法故為

品以其大悲方便尚未具足故為中乘

又此上品十善業道修治清淨心

廣無量故具足悲愍故方便所攝故發生大願故不捨

眾生故希求諸佛大智故淨治菩薩諸地故淨修一切

諸度故成菩薩廣大行

此段明菩薩十善以其廣大悲愍不捨眾生淨治菩薩諸地故

上品以其希求諸佛大智一切佛得圓滿未得超過品位故為菩薩乘

又此上上十善

業道一切種清淨故乃至證十力四無畏故一切佛法

皆得成就是故我令守行十善應令一切具足清淨如

是方便菩薩當學

此段明佛果十善以其十力四無畏一切佛法皆成就圓證無有等量故

為上品佛子此菩薩摩訶薩又作是念十不善業道上者

地獄因中者畜生因下者餓鬼因 殺生之罪能令眾

生墮於地獄畜生餓鬼若生人中得二種果報一者短

命二者多病 偷盜之罪亦令眾生意墮三惡道若生人

中得二種果報一者貧窮二者其財不得自在 邪淫

之罪亦令眾生意墮三惡道若生人中得二種果報一者

妻不貞良二者不得隨意眷屬 妄語之罪亦令眾生意

<p>墮三惡道若生人中得二種果報一者多被誹謗二者 爲他所誑 兩舌之罪亦令眾生墮三惡道若生人中</p>	<p>得二種果報一者眷屬乖離二者親族弊惡 惡口之</p>	<p>罪亦令眾生墮三惡道若生人中得二種果報一者常</p>	<p>聞惡聲二者言多諍訟 綺語之罪亦令眾生墮三惡</p>	<p>道若生人中得二種果報一者言無人受二者語<small>不明</small></p>	<p>了 貪欲之罪亦<small>令</small> □□墮三惡道若生人中得二種</p>	<p>果報一者心不知足二者多欲無厭 瞋恚之罪亦令</p>	<p>眾生墮三惡道若生人中得二種果報一者生邪見家</p>	<p>二者其心諂曲佛子十不善業道能生此等無量無邊</p>
---	------------------------------	------------------------------	------------------------------	---	--	------------------------------	------------------------------	------------------------------

眾大苦聚是故菩薩作如是念我當遠離十不善道以
十善道為法園苑愛樂安住自住其中亦勸他人令住
其中

右已上是菩薩地中所修十善自凡夫至地前約理而
修登地以後順性而修又十善約分五品人天為下品

聲聞第二品緣覺第三品菩薩第四品佛為上品

諸經具明

前注已釋又案經云往昔佛在舍衛國祇陀精舍告舍利弗

若受十善不持八戒終不成就若毀八戒十善俱滅應

當從今清旦至明清旦至心堅持八戒歸依於佛持心

如佛歸依於法持心如法歸依於僧持心如僧入戒齋

者是過去現在諸佛如來爲在家人制出家法一者不
殺二者不盜三者不淫四者不妄語五者不飲酒六者
不花鬘纓絡香油塗身倡優伎樂及故往觀聽七者不
坐高廣大床八者不過中食持此齋戒功德不墮地獄
不墮餓鬼不墮畜生不墮阿修羅常生人中正見出家
得涅槃道十善自可啓告諸佛菩薩堅心受持八戒事
須請師依法而受或一日或十日乃至終身
隨力受持永無三惡淪迴之苦

右十善八戒是滅罪生福之妙道從凡

人聖之初門不妨俗緣不礙世務不必勞苦不要資財

唯在近取諸身調制三業若未厭生死則常於人天廣

受福德若深求出離則永遊覺路疾證菩提下視三塗

橫截苦海有此大利何若不爲願此浮生早爲身計無
自沉棄後悔難追

十善業道經要略

佛說天請問經不錄

重立十善業道經要略石壁功德伏願

君王萬歲永致太平臣佐千秋長扶

明盛文武品位中外官寮將吏緇黃諸軍百姓俱臻富

壽咸遂樂康然次願天平地成河清海晏風調雨順歲

稔時豐祥瑞畢臻災害不作三塗之罪苦永謝諸天之

福報長崇佛道興行法輪常轉三界九地六類四生盡

於虛空一切舍識乘斯善道同證真如

大宋太平興國二年歲次丁丑十月戊午朔八日乙

丑重建

鄉貢進士趙安仁書

都維那朝散大夫行尙書水部員外郎柱國沈繼

宗

副維那朝散郎守國子監丞監復州榷貨務趙孚

東頭供奉官銀青光祿大夫檢校兵部尙書兼御史

大夫上柱國吳載

右班殿直沈繼明

朝奉郎守國子書學博士李護

徵事郎試大理司直前守貝州清陽縣令田 誠

前攝河南軍節度推官沈 昉

將仕郎試祕書省校書郎時 貞吉

銀青光祿大夫檢校太子賓客兼殿中侍御史雲騎

尉李 延温

銀青光祿大夫檢校太子賓客兼殿中侍御史雲騎

尉韓 奉進

鄉貢進士宋 元輿

當寺講金剛經百法論賜紫沙門 志蘊

修塔功德主沙門 鴻徹

十善業道經要略太平興國二年十月立趙安仁正書在祥符相國寺婆塔碑末列沈繼宗趙孚吳載沈繼明李護田誠沈昉時貞吉李延温韓奉進宋元輿

諸人銜名

中州金石記

沈繼宗世卿開封太康人史附其父倫傳署銜與史合惟史不言柱國耳沈繼明或其昆弟趙孚即書碑趙安仁之父也史載其子安仁傳字大信周顯德初進士補開封尉乾德中爲浦江令父喪服闋授永甯令擢宗正丞開寶中主衣庫坐事連逮太宗即位起爲國子監丞官至殿中侍御史賜金

紫此正其復用之時惟史不言監復州權貨務耳
安仁書碑有舛錯處第二石第二列小注衍一而
字第五石第二列小注涅槃涅誤作洹又輪迴輪
誤作淪四者不妄語語字脫寫添列於是行之未

法門寺浴室院靈異記

高一尺六寸五分廣一尺六寸記十七行後題
名五行行字不一字徑五分許正書在扶風

法門寺浴室院暴雨衝注唯浴鑊器獨不漂沒靈異記

古者諸侯亦有史大事書之於簡小事簡牘而已尙采
野史以廣所聞蓋欲明好惡示懲勸以資治本亦爲政

之方也今所書者則府城之東岐山之陽有釋迦如來
真身寶塔因塔置寺寺号法門隨時廢興垂百千祀人
天恭敬龍神守護不思議事豈可殫論寺之東南隅有
浴室院或供會□湊緇侶雲集凡聖混同日浴千數洎
百年已還迄于今日檀那相繼未嘗廢墜早者歲在乙
亥月接林鍾二十日夜戌亥之際飄風忽作驟雨如傾
電火雷車驚魂駭目洪波浩浩莫見津涯黔首惶惶但
冀墊溺泊乎風雨初霽川原始分水注之地悉無完堵
唯浴室鑊器獨不濡濕其水跡上高數尺踰驀而過觀
者靡不驚歎又至丁丑歲秋七月十有八日□丑暴雨

復作驚颯四吹漂溺有情傷害苗稼盈川注壑壞屋頽垣愈甚於前其浴室器用一無霑污亦復如初意尙慮反道貶德越禮違謙者不悞龍神振怒未嘗悛心而致於是不然者迅雷烈風何以荐臨於聖境傲誕之輩宜改往以修來懷道之士可加功而用行斯則景風靈雨不期而至矣浴室社長王重順與社衆等早植善根將

成法器期生內院猶假外緣於此精勤多歷年所觀茲

靈應不可闕書遂請前節度推官毛文恪文而識音之

欲令千古已降斯言不泯咸得聞知時大宋太平興國

三年歲次戊寅四月 記

常年結緣社眾具姓名列之於後

楊延昭 張鐸 索仁義 曹知温 謝知遠 趙延

昌 王思 董延美 趙景順 李敬順 張思順

李思義 藺仁美 郭景稠 馬延永 宋延訓 宋

君武 胡思義 皇甫莛 張温 曹彦温 康筠

雷進 趙思順 路從遇 楊知權 李 鮮甲筠

張保珣 馬知信 房 劉延康 輔 孟

馬知謙 劉 下石泐
三字許

賜紫

案太平興國三年四月法門寺浴室靈異記云前節

度推官毛文恪文而識之是記爲文恪所撰特未知書者何人耳孫氏訪碑錄不著撰人畢氏關中金石

記概云無撰書人姓名殊皆疏漏

金石續編

右浴室院靈異記在扶風法門寺續編載此缺稠字及賜紫四字又意作噫審視石刻並無偏旁豈已磨滅邪拓本闕處仍據續編補之碑書敬驚字不避諱缺筆里巷所爲無足怪也其敘靈異之蹟云唯浴室鑊器獨不濡濕水跡上高數尺踰焉而過殆亦故神其說以眩世耳

八瓊室金石補正卷八十四終